

沙井在府城章江門外石頭津上許旌陽有江沙掩井吾道
復興之識

八角井在小石頭西五里世傳鎮南節度使鍾傳家井

鹿井在府城西南七十里久駐村井在溪中天旱溪涸井乃
見紫石迴旋膚色光瑩石罅中清泉湧出以烹茗輒成紫
色曾有群鹿飲其中故名

梅仙壇井在豐城縣西北十里相傳梅子真嘗窖丹砂於此
井水所漬多化爲禹餘糧土人呼爲石中黃

聖井在進賢縣舊麻姑觀東乃包真人顯蹟處優游井在崇
真觀臧嘉猷所鑿張道姑井在明心寺水或五七年一湧
劉真君丹井在奉新縣昭德觀晉劉道成煉丹所宋元豐七
年蘇軾過此題云五月九日寓新吳同縣令李志中謁劉